

Հավարտ հանդիսության իր օրհնության խոսքը և հայրական սերը ներկաներին փոխանցեց Ամենայն Հայոց Հայրապետը. «Տարին նվիրական է, մենք հիշադրակցինք 90-ամյակը Հայոց ցեղասպանության, որը եղավ այն հիմնական պատճառը, որ մենք դարձանք

աշխարհացրիվ ժողովուրդ: Հովվապետական այցելությամբ այս անցնող փարիներին եղել են գրեթե բոլոր գաղթօջախներում և գոհաբանական աղոթք են ամ Աստված բարձրացրել, որ Տիրոջ օգնականությամբ մեր ժողովուրդը կարողացել է շարկել եղեռնահար իր մեջքը և այսօր ապրում է կազմակերպված ու հայաշունչ կյանքով: Հայոց Մեծ եղեռնի ոգեկոչումը առանձնակի նշանակություն ունի հատկապես հայ ուսուցչի համար: Այն ուխտի նորոգության գեղեցիկ մի առիթ է՝ իրականացնելու այն իղձերը, այն երազները, որոնք անկախարմնացին մեր հայրերի հոգիներում. պահել ու պահպանել մեր ժողովուրդը ամբողջ ու միասնական, հավաքարհմ ազգային իր արժեքներին, մեր հայրերի սրբազան հավաքքին:

...Խոսքս պիտի ավարտեմ այս պահին հիշելով Խաչատուր Աբովյանի խոսքը, որպեսզի այն վերստին ու վերստին հնչի ձեր հոգիներում որպես պատգամ և որպես ուղեցույց. «Ազգը պահողը լեզուն և հավարն է»: Այս նվիրական գործի մշակներն եք դուք, ազգը պահպանող նվիրական գործի մշակներն եք դուք, ուրեմն անաղարտ պահեք հայոց լեզուն մեր մանկանց շուրթերին և ամուր՝ հայոց հավաքքը նրանց հոգիներից ներս, որպեսզի հավերժորեն ապրի ազգս հայոց և վստահությամբ իր հայացքն ուղղած դեպի նոր ժամանակները մեր կյանքի՝ ապրի, արարի, շարունակի կերպով փառքը մեր ժողովրդի», - մասնավորաբար նշեց նորին Սրբությունը:

Հանդիսությունն ավարտվեց «Էջ Միածինն ի Հօրե» շարականի երգեցողությամբ և Վեհափառ Հայրապետի «Պահպանիչ» աղոթքով:


Դասընթացներն ավարտվեցին օգոստոսի 22-ին Վեհարանի հանդիսությունների սրահում կազմակերպված հրաժեշտի ցերեկույթով, որի ընթացքում ուսուցիչներին նախ դիմեց ՀՀ Գիտության և կրթության նախարար պրն Մերգո Երիցյանը՝ ասելով. «Դուք աշխարհի ամենաերջանիկ մարդկանցից եք, քանի որ շուրջ մեկ ամիս հյուրընկալվել եք Մայր Աթոռ Ս. Էջմիածնում: Դա երևի վիճակված չէ շարժապետին, այն վիճակվեց ձեզ, և դուք ձեր հոգում անթելված կրանեք այն ամենը, ինչ կարող էիք փանել Մայր Աթոռից: Դուք փանում եք այն հոգածությունը, որ ձեր նկատմամբ դրսևորվեց այսօր, դուք փանում եք մեր պարմական այս անդաստանի ոգին և էությունը, դուք փանում եք Վեհափառ Հայրապետի օրհնությունը, դուք փանում եք շար ու շար արժեքներ, որոնք հետո ձեզանից յուրաքանչյուրի համար էջ առ էջ կբացվեն, երբ որ դուք վերադառնաք մեր գաղթօջախներ, երբ որ դուք վերադառնաք ձեր ուսումնական հաստատությունները...»:

Նախարարն իր խոսքում անդրադարձավ նաև մի քանի նոր ծրագրերի, որոնք առաջիկայում իրագործվելու են Նորին Սրբության հովանավորությամբ: Ասվածը մասնավորապես վերաբերվում է Մայր Եկեղեցու հովանու ներքո ուսուցիչների վերապատրաստման հիմնական կառույցի ստեղծմանը, ինչպես նաև սփյուռքահայ 500 ուսանողների հանգիստը հայրենիքում կազմակերպելուն:

Նախարարի խոսքից հետո իրենց երախտագիտությունը և բարեմաղթանքները հայրենեցին ուսուցիչներից մի քանիսը: «Ահա այս է Սփյուռք-Հայրենիք ոսկե շղթան, որ անպառակտելի է», - ասաց Միրիայից ուսուցչուհի Երան Զեյթունյանը: Այս Վեհափառ Հայրապետը և կրթության նախարարն ուսուցիչներին հանձնեցին հավաստագրեր և շնորհակալագրեր:



ՀՐԱԺԵՇՏԻ ԽՄԲԱՆԿԱՐ. ՍՓՅՈՒՌԱՀԱՅ ՈՒՍՈՒՅԻՉՆԵՐԸ ՎԵՀԱՓԱՌ ՀԱՅՐԱՊԵՏԻ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԳԻՏՈՒԹՅԱՆ ԵՎ ԿՐԹՈՒԹՅԱՆ ՊԱՏԱՍԽԱՆԱՏՈՒՆԵՐԻ ՀԵՏ





«ԱՆԵՔ ԵՎ ՄԱՐԻ ՄԱՆՈՒԿՅԱՆ» ԳԱՆՁԱՏԱՆԸ ՆՈՐ ԶՈՒՂԱՅԻ
ՄՇԱԿՈՒՅԹԻՆ ՆՎԻՐՎԱԾ ՅՈՒՅԱՆԱՆԻՍԻ ԲԱՅՄԱՆԸ

Ուսուցիչները դասընթացներին գուզընթաց պատրաստել էին նաև գեղարվեստական հայրագիր, որով էլ եզրափակվեց հանդիսությունը:

Հավարտ հանդիսության հայրապետական իր օրհնությունը ներկաներին բաշխեց Նորին Սրբությունը՝ ի մասնավորի ասելով. «Այսօր՝ Մայր Աթոռում մեր հանդիպումների ընթացքում, ուսուցիչներից մեկը հարցրեց. «Վեհափառ, ինչպե՞ս եկաք այս գաղափարին՝ վերապատրաստման դասընթացները կազմակերպել Մայր Աթոռ Ս. Էջմիածնում»: Առաջին հերթին, բնականաբար, Մեր ցանկությունն էր, որպեսզի ինչպես դարեր շարունակ Ս. Էջմիածինը հովանավորել է և իր գավիթներում կազմակերպել կրթության գործը, դաստիարակության գործը մեր ժողովրդի զավակաց, այնպես էլ այսօր այդ առաքելության մեջ պիտի շարունակի իր ներդրումն ունենալ: Նաև որպեսզի Մենք կարողանանք Մեր գնահատանքն արտահայտել հայ ուսուցչին այն կարևոր ծառայության համար, որ իրականացնում է հայ կյանքից ներս:

Միաժամանակ նաև գիտակցում ենք, որ Մայր Աթոռ Ս. Էջմիածնում դուք ավելի պիտի գործնաբար, ավելի պիտի ամրանա ձեր մեջ ձեր առաքելության գիտակցությունը, և դուք առավել նախանձախնդրությամբ պիտի իրականացնեք ձեր առաքելությունը, ձեր ծառայությունը հայ մանկան կրթության նվիրական գործի: Եվ վստահ եմ, որ այս մեկ ամսվա ընթացքում կարարվեց այն, ինչ որ Մենք ակնկալում էինք և սպասում: Դուք հաղորդ դարձաք մեր ազգային սրբավայրերին՝ փարբեր ուխտապետիներ այցելելով, Մայր Աթոռի խորախորհուրդ ներկայությունը ըմբռնելով և մեր պատմությանը, մեր անցյալի, մեր ներկայի և գալիքի խորհրդին՝ այս սուրբ մթնոլորտում: Նաև գորացաք հոգով, ձեր լավատեսությամբ դեպի մեր ժողովրդի վաղվա օրը, մեր ժողովրդի կյանքին առնչվելով, մեր ժողովրդի ձեռքբերումներին հաղորդ դառնալով: Կարևոր պարագաներ հայ ուսուցչի համար. ինչպես պիտի կարողանա հայ ուսուցիչը ոգի կերպել հայ մանկան մեջ, եթե այդ երկու նվիրական արժեքներին, այդ երկու նվիրական գաղափարներին չի փրապել, չի կրում իր հոգուց ներս, հաղորդ չէ այդ խորհուրդներին, որովհետև կրթության գործում որքան որ կարևոր է հայ մանկանը գիտելիք փոխանցելը, նույնքան և առավել կարևոր է Սփյուռքի հայ մանկանը ոգի հաղորդել, որպեսզի նա Հայրենիքից հեռու ապրի որպես մի մասնիկը հայրենի կյանքի, իսկ նա կարող է այդ հոգով և այդ գիտակցությամբ ապրել և հասակ առնել, Հայրենիքի արժանավոր զավակը լինել, եթե նա հաղորդ է իր պատմությանը, իր անցյալին, իր հոգևոր արժեքներին, իր ժողովրդի կյանքի ու գոյության լուսավոր խորհրդին: Մեր եկեղեցիները գանձարաններն են. ոչ միայն պահպանողները այդ հարստության, այդ արժեքների, այլև հարստացնողն ու թրծողը դարերի ընթացքին»:

Խոսքի ավարտին Նորին Սրբությունը մատթեց ուսուցիչներին Աստուծո սիրով, առ Աստված ապավինությամբ շարունակել իրենց ազգօգուտ առաքելությունը:

ՄԱՅՐ ԱԹՈՐ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ